

**Date -04/10/2023**

**Time - 7:30 -7:40Hrs**

## **REGIONAL NEWS BULLETIN**

### **HEADLINES (MORNING)**

- 1. Commerce & Industries Minister Dr. R. Lalthangliana'n nimirin Building pakhata Industrial unit hrang hrang awm theihna Flatted Factory Complex Mizoram District pali a dinna tur lungphum a phum.**
- 2. Ramsa dan lova tawlh ruk man te leh ramsa chhanchhuahte enkawlina hmunpui tur 'Satellite Wildlife Rescue Centre of Aizawl Zoo at Champhai' lungphum chu Tlangsamah nimirin EF&CC Minister Pu TJ Lalnuntluanga'n a phum.**
- 3. Home Minister Pu Lalchamlisan kum 2018-2023 inkar chhunga Home Department Achievement Report bu a tlangzarh.**
- 4. Sawrkar laipui hmalakna "The Prime Minister Street Vendor's AtmaNirbhar Nidhi PM SVANidhi" scheme in mellung pawimawh tak a phun.**

<><><>

### **COMMERCE**

**Commerce & Industries Minister Dr. R. Lalthangliana'n nimirin Building pakhata Industrial unit hrang hrang awm theihna Flatted Factory Complex Mizoram District pali a dinna tur lungphum a phum. Aizawl, Lunglei, Champhai leh Kolasib a Flatted Factory Complex sakna tur lungphum phumna inkhawm hi Aizawl Luangmuala Industrial Growth Complex ah Commerce & Industries Department in a buatsaih a ni.**

**Thu sawiin Minister Dr. R. Lalthangliana chuan factory complex din tura bultanna chuan hmasawna a chhuah ngei a beisei thu a sawi a. He project kaltlang hian miin awlsam zawkin industry an din theih phah tur thu leh Industry din thar duhte'n building leh hmunhma buatsaihna atana sum tam tak an sen ngai thin chu a chhawk zangkhai tur chu lawmawm a tih thu a sawi a. He flatted factory complex dinna tur sum hmuh hi sawrkar laipuiin zaa 90z tum in state sawrkar in zaa 10 a lo do let ve tur a ni a. Sum indaihlohna karah state in a tangkaipui tur thilah chuan sawrkar chuan a ngaihpawimawh thu a sawi.**

**Commerce & Industries Minister chuan Industry lama hmasawn turin Road map mumal tak siam a pawimawh thu sawiin IGC chu tangkai zawka chhawr thiam pawimawh a ti a. Lungphum phum tak factory complex hian Mizoram pum factory space 113 a siam tur chu a tawpna ni lovin, nasa zawka industry hmanga sum lakluh a, economy chawikang turin department leh a thawhpui te bakah entrepreneur te'n ngaihtuahna seng zel se a ti a. Thalaite zingah theihna leh remhriatna nei tam tak an awm thu a sawi a. Minister chuan Bangladesh a textile industry lian tak chu entirnaah hmangin, hmahlir tha tak**

neiin, belhchian dawl leh thawnchhuah tham siamchhuak turin hma la ang u tiin kalkhawmte a sawm a ni.

Flatted Factory Complex sakna tur hi sawrkar laipuia Ministry of MSME atanga sum hmuh hmanga din tur a ni a. IGC Luangmual, Aizawl; IIDC Pukpui, Lunglei; IIDC Zote, Champhai leh DIC Complex, Kolasib ah te he Complex hi sak tum a ni.



## SERCHHIP

Serchhip Bukpui-ah Social Welfare & Tribal Affairs Minister Pu Lalrinawma chuan District Social Welfare Officer (DSWO) Office leh Women & Child Development Directorate hnuuia District Programme Officer (DPO) Office thar nimin khan a hawng.

Social Welfare Minister chuan sawrkar Department pawimawh tam tak zingah mihring mamawh kimna leh office pawimawh ber te zinga mi, District Social Welfare Officer (DSWO) Office leh District Programme Officer (DPO) Office thar hawn a ni thei ta chu lawmawm a ti a. Serchhip District chuan rahbi thar pawimawh tak a chuang kai a ni a ti a, tluang taka Office kalpui chhoh a nih theih nan duhsakna a hlan a ni.

Kum Upa leh Tar te tanpuina sum lo kal bahlah leh zauh thin chungchang sawiin Central sawrkar lamin inkaihhraina an siam danglam vang a ni a ti a, Pu Lalrinawma chuan India rama hnam tinten mahni hnam nun leh culture inzahtawnsakna tura hmalakna chu sawrkar laipuiin a ngai pawimawh hle a, State Sawrkar pawhin theihtawpin tan a la a, he hmalakna a hlawhtlin theih nan mipui mimir kan pawimawh hle a ni, a ti bawk.

Women & Child Development hnuuia DPO Office hi nikum December thla atang khan Serchhip-ah mimal In luahin bul tan a ni a, District Social Welfare Officer (DSWO) Office erawh Serchhip-ah hian a la awm ngai lo va ni.



## FOREST MINISTER

Ramsa dan lova tawlh ruk man te leh ramsa chhanchhuahte enkawlna hmunpui tur 'Satellite Wildlife Rescue Centre of Aizawl Zoo at Champhai' chu Dum Tlang, Tlangsamah nimin khan EF&CC Minister Pu TJ Lalnuntluanga'n a lungphum a phum. Sawrkar Laipui Ministry of Environment, Forest & Climate Change hnuuia Central Zoo Authority sum cheng vaibelchhe 10.91 senga ruahman tur a ni.

Pu TJ Lalnuntluanga chuan Satellite Wildlife Rescue Centre tobul sawifiahin, India ram pum huap Forest Minister-te inhmukkhawm tumah Dan lova ramsa tawlh ruk man te leh ramsa chhanchhuahte enkawl zui chungchangah Mizoramin harsatna a tawh thin a thlen chu Sawrkar Laipui Forest Minister leh a thawhpuiten lo ngai pawimawh hle in, he project hi bultan chhoh tak anih thu a sawi a. He project atan hian Central Zoo Authority sum cheng vaibelchhe 10.91 ruahman niin instalment hnih a sum lo lut tur a ni a, tun dinhmunah cheng vaibelchhe 5 release fel tawh niin hnathawh pawh bultan chhoh mek nghal anih thu a sawi a. Satellite Wildlife Rescue Centre hi a taka kalpui anih theih hunah chuan ramsa leh nungchate humhalh leh enkawl chungchangah hmasawna tam tak a thlen dawn a ni a ti a, thangtharte leh thalaite pawhin environment leh nungcha humhalh a pawimawh zia a taka an

hmuh a, an inzir chhohna hmanrua pawimawh taka la ni ngei dawn a ni, a ti a. Forest Department field staff indaihlohna avangin hmalaknate duh anga a chak theihloh thin chu Sawrkar Laipuah thlen niin, nungchate venghim turin Wildlife Protection Squad mi 50 lai lak Central Sawrkar chuan a rawn phal thu leh lak fel tawh an nih thu a sawi bawk a. Hengte bakah hian Champhaiah Nature Learning Centre, Botanical Garden, Mini Zoological Garden leh Nagar Van te din chhoh mek anih thu sawiin, Forest Department thiltumte ti hlawhtling tur leh an tha ti chak turin Champhai District mipuite thawhho puiah a sawm a ni.

Satellite Wildlife Rescue Centre hi ram hectare 20 a zau ah ruahman tur a ni a. He Centre-ah hian Ramsa dan lova tawlh ruk man te leh ramsa chhanchhuahte mumal taka enkawl an ni dawn a ni.

<><><>

## HOME MINISTER

Home Minister Pu Lalchamlisan kum 2018-2023 inkar chhunga Home Department Achievement Report bu a tlangzarh .

Home Minister chuan Home department chu tuifinriat ang deuha thil engkim luankhawmna a ni nachungin thawktute zarah an hmazawna thil awm an tifel thei zel chu hlawhtlinna ropui tak a ni a ti. Hripui leng avanga Police recruitment thar lak theih a ni hrih lo chu pawl a tih thu sawiin compassionate ground hnuaiyah erawh mi eng emaw zat lak an ni chu lawmawm a tih thu a sawi bawk. Mizoram Police-ah Quality tha a awm theih nan theihtawp chhuah zel a nih thu sawiin Police te traffic emaw policing leh ramri ven kawngah an chhuanawm tak zet a, an kal zelna turah duhsakna a hlan a ni a ti.

<><><>

## KHAWZAWL CLEANLINESS

Khawzawlah Mizoram Cleanliness Week 2023 chu nimin khan hawn a ni a,

Addl. Deputy Commissioner Khawzawl District Pu Lalfakzuala chuan Khawzawl khawpuiin kum 2022 chhunga Khawzawl Town in District Headquarters fai ber lawmman a lo lak tawh chu kuminah pawh chhunzawm leh tura theihtawp chhuah turin kalkhawmte a chah a. Faina atana pawimawh thil hrang hrang Bazar hmun, Zirna in, Sawrkar Pisa, damdawi in, Restaurant/Hotel, vantlang inthiarna, Anganwadi, Traffic Point, Sub Centre leh Biak In te uluk lehzuala tih fai ni se, tin, heng bakah hian kawng sirah khawpui cheimawi thei tur pangpar leh plant phun uar lehzual turin leh a awmsate pawh mawi taka enkawl theuh turin kalkhawmte a ngen bawk a ni.

He hunah hian Pu Lalthakima Chhangte, District Urban Development Officer, UD&PA Dept. Khawzawl District chuan India ram pumah Mahatma Gandhi piancham pualin Swachhata Hi Seva chu chawlhkar hnih chhung hman a nih hnuin Mizoram Cleanliness Week 2023 hman chhunzawm leh tur a nih thu a sawi a, hemi atan hian tha thlah lova theihtawp chhuah chhunzawm zel turin kalkhawmte a ngen nghal bawk a ni.

Cleanliness Week 2023 hawnna hunah hian Khawzawl khaw chhunga Village Council hrang hrang aiawhte leh DC, UD&PA leh BDO Office-a

thawkte an tel a ni. Faina hapta hawna pual hian Khawzawl Zaingen Unit MUP chuan an huam chhungah faina hnatlang an nei a, member thahnem tak an thawk chhuak a ni.



## PM SVANidhi

Sawrkar laipui hmalakna “The Prime Minister Street Vendor's AtmaNirbhar Nidhi PM SVANidhi” scheme chuan mellung pawimawh tak a phun, ramchung kawthlera thil zuar (Street vendors) mi nuai 50 a huap dawn a ni.

Kawthlera thil zuar thinte hian khawpui sum leh pai dinhmun che velah hmun pawimawh tak an chang a, khawpui chhunga chengte mamawh chi hrang hrang an chhawpchhuahsak thin a ni.

Ministry of Housing and Urban Affairs hnuai hmalakna hi ram sum leh pai dinhmun ti ngelnghet a ti hmasawn thei tur a ni a. Prime Minister Narendra Modi hmalakna hi kumin July ni 1 atang kan zau zawka kalpui niin, hmalak tawhnate ennawn leh enzui reng a ni a, hmalam panin chak taka kalpui mek zel a ni.

PM SVANidhi Scheme hi kum 2020 June ni 1 atanga kalpui niin, hemi hmalakna hnuai hian khawpuia kawngsia thil zuar ten loan an puk thei a, an puk theih tam lam hi cheng sing 5 thleng a ni.

